

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI SELASA, 26 MEI 2015, PUKUL 10.00 PAGI**

**Bil. 26**

---

**PERTANYAAN-PERTANYAAN BAGI JAWAB LISAN**

1. PR-1332-L69415  
**Dato' Noraini binti Ahmad [ Parit Sulong ]** minta **MENTERI DALAM NEGERI** menyatakan sejauh manakah seriusnya penglibatan kongsi-kongsi gelap dalam syarikat-syarikat keselamatan dalam negara seperti yang dilaporkan baru-baru ini.
2. PR-1332-L68652  
**Tuan Haji Nasrudin bin Hassan [ Temerloh ]** minta **MENTERI KEWANGAN** menyatakan sama ada pihak KWSP berhasrat untuk memastikan duit caruman pencarum Muslim hanya dilaburkan ke dalam portfolio pelaburan patuh Syariah sahaja.
3. PR-1332-L67613  
**Dato' Haji Abdul Rahman bin Haji Mohamad [ Lipis ]** minta **MENTERI SUMBER MANUSIA** menyatakan sama ada Kerajaan akan mengkaji semula gaji minimum bagi membolehkan dasar kerajaan di bawah Program Transformasi Ekonomi (ETP) tercapai untuk status negara berpendapatan tinggi.
4. PR-1332-L68697  
**Tuan Charles Anthony Santiago [ Klang ]** minta **PERDANA MENTERI** menyatakan sama ada pihak Suruhanjaya Pilihanraya Malaysia telah memulakan proses persempadanan semula kerusi-kerusi Parlimen dan Dewan Undangan Negeri bagi Semenanjung Malaysia dan negeri Sabah.
5. PR-1332-L69491  
**Datuk Rozman bin Isli [ Labuan ]** minta **MENTERI PERDAGANGAN ANTARABANGSA DAN INDUSTRI** menyatakan apakah inisiatif Kerajaan bagi menambah baik persekitaran mesra peniaga dalam mempertingkatkan perdagangan dan pelaburan serta produktiviti negara.

6. PR-1332-L69095  
**Tuan Oscar Ling Chai Yew [ Sibu ]** minta **MENTERI PENDIDIKAN** menyatakan tindakan yang akan diambil kerana mata pelajaran Sejarah SJKC tahun lima mengandungi sebanyak 80 lebih kesalahan. Adakah kesemua kesilapan yang didapati adalah salah seperti tahun penjajahan Jepun pada tahun 1942 yang dinyatakan dalam buku teks.
7. PR-1332-L67827  
**Dato' Haji Mohd Zaim bin Abu Hasan [ Parit ]** minta **MENTERI SUMBER MANUSIA** menyatakan adakah perlu Kerajaan memperkenalkan dasar baru bagi membolehkan majikan melaksana "psychiatric assessment" atau "psychological screening" terhadap semua pekerjaannya bagi memastikan mereka tidak mempunyai sebarang masalah mental semasa bertugas.
8. PR-1332-L69046  
**Tuan Ng Wei Aik [ Tanjong ]** minta **MENTERI KERJA RAYA** menyatakan bilakah jalan pintasan yang selari dengan Lebuhraya Utara-Selatan akan dibina bagi tujuan mengelakkan kesesakan trafik di Lebuhraya Utara Selatan selepas keluar dari tol Juru sehingga ke persimpangan bertingkat Seberang Jaya. Adakah projek tersebut telah dikenalpasti dan akan dilaksanakan melalui Rancangan Malaysia ke-11.
9. PR-1332-L67981  
**Dr. Noor Azmi bin Ghazali [ Bagan Serai ]** minta **MENTERI PERTANIAN DAN INDUSTRI ASAS TANI** menyatakan memandangkan penyakit karah tangkai boleh menyebabkan penurunan hasil padi sehingga 50% malah lebih, dan ini pastinya menyusahkan kehidupan pesawah. Sejauh manakah ia mengancam jelapang-jelapang padi negara dan apakah langkah-langkah Kementerian bagi menangani isu ini serta sejauh manakah kejayaannya setakat ini.
10. PR-1332-L67957  
**Datuk Mohd Idris bin Jusi [ Batu Pahat ]** minta **MENTERI KEMAJUAN LUAR BANDAR DAN WILAYAH** menyatakan tindakan segera (urgent) menangani isu rakyat luar Bandar yang hidup berhadapan dengan dua masalah iaitu kenaikan harga barang keperluan harian dan kejatuhan harga produk kampung seperti kelapa sawit.
11. PR-1332-L67748  
**Tuan Wilson Ugak Kumbong [ Hulu Rajang ]** minta **MENTERI KEWANGAN** menyatakan adakah terdapat perancangan untuk pembinaan Mini UTC di Bahagian Kapit, Sarawak. Pembangunan Mini UTC ini dapat membantu ribuan rakyat bagi berurusan dengan Kerajaan.
12. PR-1332-L68275  
**Puan Teresa Kok Suh Sim [ Seputeh ]** minta **MENTERI PENDIDIKAN** menyatakan sebab universiti awam tempatan tidak mendapat prestasi yang baik dalam QS dan THE (Times Higher Education) Global University Ranking. Apakah langkah Kementerian untuk menambah-baikkan prestasi universiti tempatan untuk mencapai tahap seperti Oxford University.

13. PR-1332-L67929  
**Datuk Wee Jeck Seng [ Tanjong Piai ]** minta **MENTERI BELIA DAN SUKAN** menyatakan apakah tindakan Kementerian untuk meningkatkan penglibatan golongan remaja dalam politik di samping program Parlimen Belia dan Mahasiswa Turun Parlimen untuk menyediakan golongan remaja terlibat dalam politik yang sihat dan menerusi saluran yang betul.
14. PR-1332-L69331  
**Tuan Zairil Khir Johari [ Bukit Bendera ]** minta **PERDANA MENTERI** menyatakan sama ada Kerajaan bercadang untuk menggubal undang-undang untuk mengawal dan menyelaraskan industri trak tunda bagi mengelak daripada gejala trak tunda yang tidak berhemah (predatory tow trucks).
15. PR-1332-L68198  
**Dato' Abd. Aziz bin Haji Sheikh Fadzir [ Kulim Bandar Baharu ]** minta **MENTERI PENDIDIKAN** menyatakan sudahkah Kerajaan menjalankan kajian untuk peratusan tahap fasih berbahasa Malaysia dikalangan rakyat mengikut pecahan kaum dan sekiranya ia masih di tahap rendah dikalangan bukan Melayu maka apakah Kerajaan bersedia untuk mempertimbangkan Bahasa Inggeris diguna pakai sebagai medium pengantaraan utama menggantikan bahasa Malaysia sekarang.
16. PR-1332-L68880  
**Tuan Fong Kui Lun [ Bukit Bintang ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan tindakan Kerajaan ke atas pihak restoran, hotel dan mana-mana entiti perniagaan yang mengutip caj perkhidmatan daripada pelanggan mereka selain mengutip cukai GST.
17. PR-1332-L68874  
**Puan Hajah Normala binti Abdul Samad [ Pasir Gudang ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah tindakan yang diambil oleh pihak Kementerian terhadap peniaga/pengilang yang mengekalkan harga barang tetapi mengurangkan sukatan barangan yang dijual selepas pelaksanaan GST dan berapakah jumlah tangkapan yang telah dibuat.
18. PR-1332-L68399  
**Tuan Wong Ling Bui [ Sarikei ]** minta **MENTERI PERUSAHAAN PERLADANGAN DAN KOMODITI** menyatakan kenapakah pembayaran 5% cukai tambahan bagi Crude Palm Oil (CPO) yang dikenakan kepada peladang-peladang kelapa sawit di Sarawak dan Sabah sahaja. Adakah Kerajaan pusat mempunyai perancangan untuk standardise pembayaran cukai seperti ini selaras dengan slogan SATU MALAYSIA.
19. PR-1332-L68373  
**Datuk Liang Teck Meng [ Simpang Renggam ]** minta **MENTERI PEMBANGUNAN WANITA, KELUARGA DAN MASYARAKAT** menyatakan apakah perkembangan kepada usul bagi melaksanakan 30 percent club yang mengikut acuan dan mekanisme Malaysia. Apakah terdapat sebarang insentif atau dasar terbaharu yang bertujuan meningkatkan guna tenaga wanita pada peringkat tertinggi.

20. PR-1332-L69200  
**Dato' Fauzi bin Abdul Rahman [ Indera Mahkota ]** minta **PERDANA MENTERI** menyatakan apakah zikir dan selawat sepertimana disiarkan dalam siri TV sebagai 'Selawat Perdana' dan sebagainya itu bersesuaian atau bertentangan dengan amalan Sunnah Rasulullah. Sila nyatakan dengan berani dan jelas agar kiranya ia ajaran mengikut sunnah, kita sebar-sebarkan dan jika ianya bidaah, kita didik masyarakat agar menghindarkannya.
21. PR-1332-L69066  
**Datuk Bung Moktar bin Radin [ Kinabatangan ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan sejauh manakah keberkesanan pasukan penguatkuasaan pihak Kementerian dalam memantau serta mengambil tindakan terhadap peniaga-peniaga yang melakukan penipuan dalam mengenakan Cukai Barang dan Perkhidmatan (GST).
22. PR-1332-L69205  
**Dr. Haji Izani bin Haji Husin [ Pengkalan Chepa ]** minta **MENTERI DALAM NEGERI** menyatakan :-
- (a) berapakah jumlah kes gejala keganasan seksual terhadap kanak-kanak mengikut kaum di Malaysia. ; dan
  - (b) apakah punca-punca utama kejadian tersebut mengikut keutamaan dan apakah tindakan Kementerian bagi mengatasi masalah ini.
23. PR-1332-L68189  
**Tan Sri Datuk Seri Panglima Annuar bin Musa [ Ketereh ]** minta **PERDANA MENTERI** menyatakan berapakah jumlah rumah mangsa banjir yang telah siap dibina dan dapat didiami di Kelantan.
24. PR-1332-L69221  
**Tuan Ahmad Baihaki bin Atiqullah [ Kubang Kerian ]** minta **MENTERI DALAM NEGERI** menyatakan semenjak Kerajaan meluluskan Kertas Putih berkaitan keganasan IS pada tahun 2014, berapa ramai yang telah ditangkap beserta alasan-alasan penangkapan mereka.
25. PR-1332-L67576  
**Datuk Linda Tsen Thau Lin [ Batu Sapi ]** minta **MENTERI PELANCONGAN DAN KEBUDAYAAN** menyatakan bantuan yang diberikan kepada perniagaan yang berkaitan dengan pelancongan di Pantai Timur Sabah yang mengalami kekurangan pelancong akibat daripada perlaksanaan perintah berkurung oleh ESSCOM sejak Julai 2014.
26. PR-1332-L69237  
**Dato' Seri Abdul Hadi bin Awang [ Marang ]** minta **MENTERI PENDIDIKAN** menyatakan apakah jaminan dan ruang yang diberikan kepada pelajar Malaysia di Yaman yang terpaksa pulang ke Malaysia untuk menyambung pelajaran mereka di universiti tempatan.

27. PR-1332-L67763  
**Dato' Haji Zainudin bin Ismail [ Jelebu ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) mengapakah harga rumah menunjukkan kecenderungan menaik pada kadar yang begitu tinggi dan cepat sehingga harga menjadi tidak munasabah dan di luar kemampuan ramai; dan
  - (b) apakah tindakan Kerajaan bagi membendung dan mengawal kenaikan harga rumah yang melambung tinggi dan tidak terkawal ini agar ia tidak berterusan dan menjadi masalah negara satu hari nanti.
28. PR-1332-L68467  
**Tuan William Leong Jee Keen [ Selayang ]** minta **MENTERI PENGANGKUTAN** menyatakan rasional syarikat penyedia perkhidmatan AES diambil alih sepenuhnya oleh Syarikat Irat Properties Sdn. Bhd. dan apa perbezaan daripada penguatkuasaan undang-undang oleh pihak swasta seperti ATES Sdn. Bhd. dan Beta Tegap Sdn. Bhd.
29. PR-1332-L68090  
**Dato' Sri Azalina binti Dato' Othman Said [ Pengerang ]** minta **PERDANA MENTERI** menyatakan :-
- (a) berapakah dana yang telah diperuntukkan oleh Kerajaan bagi Unit Pengurusan Dana untuk menguruskan Bahagian Sokongan Keluarga (BSK) yang ditubuhkan di JKSM; dan
  - (b) sejauh manakah Kerajaan bercadang untuk menubuhkan bahagian sokongan yang menyerupai BSK untuk membantu golongan bukan Islam.
30. PR-1332-L68332  
**Tuan Shamsul Iskandar bin Mohd Akin [ Bukit Katil ]** minta **MENTERI SUMBER ASLI DAN ALAM SEKITAR** menyatakan langkah-langkah yang telah diambil untuk mengehadkan aktiviti penambakan laut secara besar-besaran di Melaka yang boleh memberikan kesan negatif kepada budaya masyarakat Portugis yang banyak bergantung kepada laut serta memberi kesan kepada status Melaka sebagai sebuah Bandaraya Warisan UNESCO (Pertubuhan Pendidikan, Sains dan Kebudayaan Pertubuhan Bangsa-bangsa Bersatu).
31. PR-1332-L69120  
**Dato' Dr. Mujahid Yusof Rawa [ Parit Buntar ]** minta **MENTERI SUMBER ASLI DAN ALAM SEKITAR** menyatakan adakah Kementerian berhasrat untuk melaksanakan penanaman semula pokok hutan paya bakau atau hutan paya api-api di sepanjang pinggir laut dari Kuala Bagan Tiang hingga ke Kuala Gula yang kebanyakan pohon tersebut telah ditebang untuk pembinaan kolam udang.

32. PR-1332-L69383  
**Tuan Mohamed Azmin bin Ali [ Gombak ]** minta **MENTERI KEWANGAN** menyatakan apakah pelan rancangan Kementerian atau Bank Negara terhadap mata wang ringgit sekiranya nilai mata wang negara terus merosot.
33. PR-1332-L68900  
**Datuk Aaron Ago anak Dagang [ Kanowit ]** minta **MENTERI TENAGA, TEKNOLOGI HIJAU DAN AIR** menyatakan apakah rancangan Kementerian bagi membangunkan tenaga hidro di negara ini terutamanya di negeri Sarawak dan Sabah.
34. PR-1332-L69445  
**Dato Sri Dr. Muhammad Leo Michael Toyad Abdullah [ Mukah ]** minta **MENTERI PENGANGKUTAN** menyatakan dengan tepat bila akan siap pembinaan lapangan terbang baru di Mukah.
35. PR-1332-L68070  
**Tuan Jeff Ooi Chuan Aun [ Jelutong ]** minta **MENTERI KEWANGAN** menyatakan sama ada rundingan semula kontrak-kontrak telah dirumuskan bagi semua kontraktor pembekalan kepada Syarikat Penerbangan Malaysia (MAS), termasuk Kumpulan Brahim. Apakah jumlah penjimatan keseluruhannya.
36. PR-1332-L67775  
**Datuk Seri Panglima Haji Abdul Ghapur bin Haji Salleh [ Kalabakan ]** minta **PERDANA MENTERI** menyatakan berapa banyak jumlah projek-projek dalam Rancangan Malaysia Kesepuluh untuk Sabah yang tidak dapat disiapkan dan berapa anggaran kosnya.
37. PR-1332-L68844  
**Datuk Wira Haji Ahmad bin Hamzah [ Jasin ]** minta **MENTERI KEWANGAN** menyatakan :-
- (a) mengapa peruntukan subsidi untuk Bajet 2015 masih tinggi iaitu kira-kira RM37 bilion sedangkan subsidi minyak sekitar RM22 bilion setahun telah pun dihapuskan pada tahun 2015; dan
  - (b) untuk apa pula penjimatan sebanyak RM22 bilion itu digunakan.
38. PR-1332-L69041  
**Tuan Chong Chieng Jen [ Bandar Kuching ]** minta **MENTERI KEWANGAN** menyatakan apakah rasional pengenaan syarat-syarat menghendaki segala syarikat forwarding ejen agar mempunyai penyertaan Bumiputera tidak kurang daripada 51% dari segi modal saham, pengarah dan juga kakitangan. Bukankah polisi tersebut mencabuli hak kebebasan berniaga kaum bukan Bumiputera di bidang tersebut.
39. PR-1332-L68762  
**Dr. Tan Seng Giaw [ Kepong ]** minta **MENTERI KEWANGAN** menyatakan selepas pengumuman mengenai umur pengeluaran penuh simpanan pencarum KWSP, apakah rancangan jangka panjang untuk membantu jutaan ahli yang bersara.

40. PR-1332-L69081  
**Tuan Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan adakah Kementerian bercadang untuk membuat kajian semula diatas pindaan Akta Kerja 1955.
41. PR-1332-L68492  
**Ir. Shaharuddin bin Ismail [ Kangar ]** minta **MENTERI KEWANGAN** menyatakan :-
- (a) apakah kebaikan yang diperoleh oleh peniaga dengan pelaksanaan sistem percukaian GST; dan
  - (b) apakah bentuk penyelesaian yang telah dilakukan oleh pihak Kementerian bagi tempoh sebulan pertama pelaksanaan GST khususnya kepada end user atau pengguna akhir yang dilihat amat terbeban dengan kenaikan harga barangan kesan awal pelaksanaan GST ini.
42. PR-1332-L67682  
**Tuan M. Kulasegaran [ Ipoh Barat ]** minta **MENTERI LUAR NEGERI** menyatakan :-
- (a) sebab-sebab Mahkamah Jenayah Antarabangsa Rome Statute (Rome Statute of the International Criminal Court) dan Perjanjian Perdagangan Senjata (Arms Trade Treaty) tidak disahkan (ratify) oleh Kerajaan ; dan
  - (b) berikan butir-butir nama dan jumlah orang yang telah terlibat dalam perbincangan proses pengesahan isu di atas.
43. PR-1332-L68859  
**Dato' Shamsul Anuar bin Haji Nasarah [ Lenggong ]** minta **PERDANA MENTERI** menyatakan kedudukan ekonomi negara ketika ini. Adakah Malaysia berada di landasan dan kedudukan betul untuk mencapai taraf negara maju menjelang 2020 sebagaimana yang dirancang sebelum ini.
44. PR-1332-L69226  
**Tuan Ramkarpal Singh a/l Karpal Singh [ Bukit Gelugor ]** minta **MENTERI DALAM NEGERI** menyatakan mengapa tindakan undang-undang di bawah Akta Hasutan, 1948 tidak diambil terhadap Menteri Pertanian dan Industri Asas Tani, Datuk Seri Ismail Sabri Bin Yaakub berkenaan kenyataan beliau bahawa pengguna Melayu harus memboikot barangan yang dijual oleh peniaga Cina.
45. PR-1332-L67968  
**Tuan Teo Kok Seong [ Rasah ]** minta **PERDANA MENTERI** menyatakan :-
- (a) sebab Suruhanjaya Pilihanraya (SPR) masih tidak membenarkan atau melantik Penolong Pendaftar Pengundi dari parti politik untuk mendaftar lebih ramai pengundi; dan

- (b) usaha yang telah diambil oleh SPR untuk menarik lebih ramai warganegara yang layak mendaftar sebagai pengundi serta kos yang terlibat untuk mempromosikan pendaftaran pengundi sejak tahun 2008-2015 berdasarkan jenis media dan aktiviti promosi.
46. PR-1332-L69253  
**Dr. Mohd Hatta bin Md. Ramli [ Kuala Krai ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan :-
- (a) sejauh manakah keberkesanan Akta Persaingan 2010 (Competition Act 2010) yang dikuatkuasakan dan apakah kes-kes yang telah berjaya diselesaikan; dan
- (b) adakah implementasi GST akan memberi kesan ke atas polisi mewujudkan suasana operasi perniagaan yang kompetitif ini.
47. PR-1332-L68005  
**Tuan V. Sivakumar [ Batu Gajah ]** minta **MENTERI KEWANGAN** menyatakan jumlah kutipan cukai langsung dan cukai tidak langsung mengikut negeri dari tahun 2010 hingga 2014.
48. PR-1332-L67812  
**Datuk Sapawi bin Ahmad Wasali [ Sipitang ]** minta **MENTERI KESIHATAN** menyatakan sejauh mana serius penyakit demam denggi di negara ini serta jumlah kes kematian dilaporkan setakat ini dan apakah langkah-langkah drastik yang diambil untuk membendung penularan penyakit ini.
49. PR-1332-L68405  
**Tuan Lim Guan Eng [ Bagan ]** minta **MENTERI KEWANGAN** menyatakan nilai kutipan kepada Jabatan Kastam hasil pelaksanaan GST sejak 1 April 2015 dan berapakah daripada jumlah ini datang daripada sektor awam seperti Kerajaan negeri dan pihak berkuasa tempatan. Berapa premis yang terpaksa ditutup akibat GST, nyatakan jenis perniagaan dan negeri mana.
50. PR-1332-L68532  
**Raja Dato' Kamarul Bahrin Shah [ Kuala Terengganu ]** minta **MENTERI SUMBER ASLI DAN ALAM SEKITAR** menyatakan apakah usaha Kementerian bagi menambahkan lagi kesedaran dan kefahaman rakyat Malaysia tentang isu-isu pencemaran alam sekitar dengan penumbuhan industri-industri sederhana dan berat yang boleh mengancam kesihatan umum.
51. PR-1332-L67887  
**Tuan Hee Loy Sian [ Petaling Jaya Selatan ]** minta **MENTERI PENGANGKUTAN** menyatakan hasil siasatan tragedi helikopter Dauphin 2 AS365 di Semenyih pada 4 April 2015 yang telah meragut enam nyawa.



52. PR-1332-L68456  
**Dr. Hajah Siti Mariah binti Mahmud [ Kota Raja ]** minta **PERDANA MENTERI** menyatakan apakah cadangan SUHAKAM kepada Kerajaan untuk menambahbaik keberkesanan dan peranan SUHAKAM dan apakah respon Kerajaan terhadap cadangan-cadangan tersebut.
53. PR-1332-L67793  
**Dato' Ahmad Fauzi bin Zahari [ Setiawangsa ]** minta **MENTERI KEWANGAN** menyatakan status terkini penstrukturan semula Syarikat Penerbangan MAS serta jaminan langkah-langkah yang sedang diambil akan berjaya menyelamatkan MAS.
54. PR-1332-L69173  
**Tuan Sim Tong Him [ Kota Melaka ]** minta **PERDANA MENTERI** menyatakan :-
- (a) tentang kedudukan cadangan penggubalan Rang Undang-Undang Keharmonian Nasional, adakah ia telah dibatalkan selepas pindaan dibuat ke atas Akta Hasutan 1948 di Parlimen baru-baru ini; dan
  - (b) nyatakan semua pihak yang terlibat dalam perbincangan serta konsultasi dalam cadangan penggubalan Rang Undang-Undang Keharmonian Nasional ini.
55. PR-1332-L68165  
**Dato' Ir. Haji Nawawi bin Ahmad [ Langkawi ]** minta **MENTERI KERJA RAYA** menyatakan Langkawi telah bergerak menjadi pulau bebas cukai dengan rancaknya sejak 1987 dengan penduduk seramai 58,000 orang ketika itu dan pelancong yang sedikit datang ke Langkawi waktu itu dan sekarang Langkawi mempunyai 120,000 penduduk dan pelancong sekitar 3.6 juta orang setahun datang ke Langkawi. Kesesakan jalan raya amat terasa kini. Apakah Kerajaan berhasrat untuk membina lebih banyak jalan susur agar dapat mengurangkan kesesakan dan dapat membuka ruang pembangunan di kawasan baru di pulau tersebut.
56. PR-1332-L67805  
**Dato' Othman bin Aziz [ Jerlun ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan perkembangan terkini Bandar Belia 1Malaysia yang menepati cita rasa belia pada masa kini dan apakah kekangan yang dihadapi oleh Kementerian bagi merealisasikan konsep berkenaan.
57. PR-1332-L68769  
**Tuan Gooi Hsiao-Leung [ Alor Setar ]** minta **MENTERI KESIHATAN** menyatakan apakah status rancangan Kementerian untuk membina dua buah hospital di Pendang dan Kulim Bandar Bahru, Kedah.
58. PR-1332-L68349  
**Tuan Wong Chen [ Kelana Jaya ]** minta **MENTERI KEWANGAN** menyatakan secara terperinci semua aset-aset dan nilai individu untuk setiap aset yang membentuk jumlah aset 1MDB yang bernilai RM50 bilion.

59. PR-1332-L68451  
**Tuan Lim Kit Siang [ Gelang Patah ]** minta **MENTERI DALAM NEGERI** menyatakan hasil tugas Jawatankuasa Kerja Suruhajaya Siasatan Diraja Ke atas Pendatang Tanpa Izin Sabah (RCIIS) yang diketuai oleh Tan Sri Joseph Pairin Kitingan sejak 5 bulan ditubuhkan, cadangan-cadangan bertindak yang dikemukakannya untuk menghentikan mimpi ngeri yang menghantui rakyat Sabah sepanjang 45 tahun ini.
60. PR-1332-L69268  
**Tuan Wan Hasan bin Mohd Ramli [ Dungun ]** minta **MENTERI KERJA RAYA** menyatakan syarikat manakah yang berjaya mendapat konsesi LPT2, Jabor-Gemuroh dan apakah jaminan kualiti jalan menepati piawaian lebuh raya. Berapakah nilai bidaan dan tempoh konsesi.
61. PR-1332-L68639  
**Tuan Su Keong Siong [ Ipoh Timor ]** minta **MENTERI PELANCONGAN DAN KEBUDAYAAN** menyatakan sama ada Kerajaan Pusat berhasrat menyediakan peruntukan untuk memelihara mesin TT5 Tin Dredge di Batu Gajah memandangkan ia mempunyai nilai sejarah dan warisan yang berpotensi daripada segi pelancongan.
62. PR-1332-L68148  
**Tuan Che Mohamad Zulkifly bin Jusoh [ Setiu ]** minta **MENTERI PENDIDIKAN** menyatakan adakah terdapat perancangan untuk membina Sekolah Menengah Kebangsaan Agama (SMKA) kerana tapak untuk sekolah berkenaan telah pun disediakan seluas 35 ekar di Kampung Penarik, Setiu, saban tahun permohonan ke SMKA sangat tinggi dan pelajar Setiu ingin belajar di SMKA terpaksa memohon di SMKA daerah lain terutamanya daerah Besut dan daerah Kuala Terengganu.
63. PR-1332-L67906  
**Tuan Loke Siew Fook [ Seremban ]** minta **PERDANA MENTERI** menyatakan status penyiasatan SPRM terhadap pengurusan FELDA atas tuduhan penyelewengan FELDA Investment Corp (FIC) membayar RM538 juta untuk Grand Plaza Serviced Apartment dan RM330 juta untuk Grand Plaza Kensington Hotel di London dan sama ada anak Pengerusi FELDA terlibat dalam kes tersebut.
64. PR-1332-L68964  
**Dato' Mansor bin Othman [ Nibong Tebal ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan tindakan-tindakan yang sedang dan akan diambil ke atas pengusaha-pengusaha yang memalsukan barang-barang makanan yang didapati seringkali berlaku dan apakah jaminan Kerajaan bagi memastikan kualiti bahan-bahan makanan dalam pasaran.
65. PR-1332-L69113  
**Tan Sri Dato' Seri Abd Khalid bin Ibrahim [ Bandar Tun Razak ]** minta **MENTERI TENAGA, TEKNOLOGI HIJAU DAN AIR** menyatakan ketetapan satu tarikh muktamad bila penstrukturan semula industri air Selangor mesti disempurnakan dan Seksyen 114 Akta Perkhidmatan Industri Air 2006 akan dikuatkuasakan terhadap pihak yang gagal bekerjasama.

66. PR-1332-L69158  
**Tuan Liew Chin Tong [ Kluang ]** minta **MENTERI PENGANGKUTAN** menyatakan maklumat terperinci tentang rancangan Keratapi Tanah Melayu Berhad (KTMB) untuk membeli set keretapi baru untuk tiga tahun yang akan datang termasuk cadangan perolehan 13 unit four-car train sets DMU yang menurut laporan akhbar NST (21.04.2015, muka B2) akan dilakukan melalui cara rundingan terus dengan syarikat Majestic Engineering Sdn. Bhd.
67. PR-1332-L67582  
**Dato' Johari bin Abdul [ Sungai Petani ]** minta **MENTERI PERTAHANAN** menyatakan negara menghadapi masalah belia-belia lepasan sekolah yang terlibat dalam berbagai masalah sosial dan ini amat merugikan negara. Adakah Kerajaan bercadang memperkenalkan program wajib khidmat negara seperti yang dilakukan di Korea, Singapura dan banyak negara lain agar jati diri dan disiplin belia betul-betul terbina.
68. PR-1332-L68811  
**Tuan Tony Pua Kiam Wee [ Petaling Jaya Utara ]** minta **MENTERI KEWANGAN** menyatakan sebab 1MDB memperoleh jaminan daripada International Petroleum Investment Corporation (IPIC) untuk terbitan-terbitan bon berjumlah US\$3.5 bilion yang mengenakan syarat-syarat yang begitu menyeksakan. Apakah jumlah yang dibayar oleh 1MDB untuk menebus opsyen yang diberi kepada anak syarikat IPIC, Aabar Investment PJS.
69. PR-1332-L68499  
**Tuan Gobind Singh Deo [ Puchong ]** minta **MENTERI DALAM NEGERI** menyatakan sama ada tindakan telah pun diambil untuk mengembalikan Kpl. Sirul Azhar Umar ke Malaysia, apakah tindakan itu dan apakah masalah-masalah yang timbul yang menyebabkan kelewatan dalam perkara ini.
70. PR-1332-L68377  
**Tuan Wong Sze Phin @ Jimmy [ Kota Kinabalu ]** minta **PERDANA MENTERI** menyatakan senarai status semua projek dengan terperinci yang dinyatakan dalam Pelan Pembangunan Koridor Sabah khususnya di bawah EPP01 - Modernizing Kota Kinabalu. Berapakah peruntukan bagi setiap projek sejak 2008 hingga sekarang dan nyatakan kontraktor yang mengendalikan semua projek tersebut.
71. PR-1332-L68552  
**Datuk Hajah Norah binti Abd Rahman [ Tanjong Manis ]** minta **PERDANA MENTERI** menyatakan apakah pandangan dan pendirian JAKIM terhadap Institut Standard dan Metrologi Negara-Negara Islam (SMIIC) yang berpangkalan di Turki, yang telah diberi mandat oleh Pertubuhan Kerjasama Islam (OIC) pada April 2014 bagi membangun satu standard halal yang seragam (Halal OIC-SMIIC) untuk diterima pakai oleh semua umat Islam.
72. PR-1332-L68173  
**Tuan Nga Kor Ming [ Taiping ]** minta **MENTERI PENDIDIKAN** menyatakan apakah langkah konkrit Kerajaan untuk mengatasi masalah kekurangan guru terlatih, tapak tanah sekolah dan dana pembangunan sekolah yang dialami oleh SJK(C) dan SJK(T) selama ini.

73. PR-1332-L68219  
**Dato' Hasbullah bin Osman [ Gerik ]** minta **MENTERI PELANCONGAN DAN KEBUDAYAAN** menyatakan apakah usaha-usaha lain yang sedang atau bakal dirangka dalam memastikan peningkatan pelancong dari dalam dan luar negara ke Gerik yang terkenal dengan Hutan Royal Belum dan Tasik Temengor.
74. PR-1332-L67712  
**Datuk Dr. Makin @ Marcus Mojigoh [ Putatan ]** minta **MENTERI SUMBER ASLI DAN ALAM SEKITAR** menyatakan :-
- (a) jenis dana yang disediakan bagi merawat air Sungai Sembulan dan Sungai Likas yang begitu tercemar; dan
  - (b) jenis dana yang disediakan bagi pemasangan perangkap sampah (Rubbish Trap) di kedua-dua sungai tersebut bagi mengelakkan sampah sarap hanyut ke laut.
75. PR-1332-L69247  
**Dato' Kamarudin bin Jaffar [ Tumpat ]** minta **MENTERI PERTAHANAN** menyatakan negara manakah yang merupakan ancaman terbesar kepada keselamatan negara kita dan apakah dasar dan tindakan kita untuk mengurangkan atau melenyapkan ancaman ini.
76. PR-1332-L68352  
**Tuan Wong Chen [ Kelana Jaya ]** minta **MENTERI KEWANGAN** menyatakan :-
- (a) bagaimanakah Amanah Saham Berhad (ASB) mengira jumlah bayaran dividen tahunan; dan
  - (b) adakah Kerajaan pernah memberi sebarang geran atau bantuan kewangan kepada Permodalan Nasional Berhad (PNB) untuk bayaran dividen ASB.
77. PR-1332-L68974  
**Tuan Anuar bin Abd. Manap [ Sekijang ]** minta **MENTERI KEWANGAN** menyatakan apakah bidang-bidang pengajian yang ditawarkan oleh Asia School of Business (ASB) yang akan bermula September ini melalui perjanjian kerjasama selama 10 tahun antara Bank Negara Malaysia dan Massachusetts Institute of Technology Sloan School of Management (MIT Sloan).
78. PR-1332-L68115  
**Tuan Tan Kok Wai [ Cheras ]** minta **PERDANA MENTERI** menyatakan bagaimana keyakinan orang ramai terhadap Jawatankuasa Kira-kira Wang Negara boleh dipertingkatkan dengan memastikan Jawatankuasa itu diperkasakan untuk melihat cadangan-cadangan mereka diambil tindakan.

79. PR-1332-L68608  
**Dr. Mansor bin Abd Rahman [ Sik ]** minta **MENTERI DALAM NEGERI** menyatakan dalam usaha membanteras perjudian on-line di dalam negara ini, adakah pihak Kementerian dapat mengenalpasti cara atau kaedah yang perlu diambil dalam membendung gejala ini, sila nyatakan.
80. PR-1332-L68676  
**Tuan Mohd Rafizi bin Ramli [ Pandan ]** minta **MENTERI KEWANGAN** menyatakan jumlah kakitangan BSN, KWSP, LHDN dan badan berkanun lain yang dikorporatkan sejak 2000 hingga sekarang yang telah bertukar daripada skim pencen Kerajaan kepada bayaran gratuiti. Berikan pecahan kakitangan mengikut agensi dan jumlah kakitangan.
81. PR-1332-L68314  
**Datuk Jumat bin Idris [ Sepanggar ]** minta **MENTERI DALAM NEGERI** menyatakan adakah tindakan kerajaan melindungi individu bernama Manuel Amalio @ Kamal bin Said seorang penjenayah yang dikehendaki oleh kerajaan Philipina tidak menjejaskan hubungan kedua negara di mata Asean berikutan ketiadaan perjanjian ekstradisi kedua-dua negara
82. PR-1332-L67844  
**Puan Alice Lau Kiong Yieng [ Lanang ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) berapakah Program Perumahan Rakyat (PPR) telah dan akan dilancarkan dari tahun 2010-2020 di kawasan Parlimen Lanang dan Parlimen Sibu dan langkah yang diambil oleh Kementerian untuk memudahkan proses bagi golongan OKU mendapatkan rumah PPR. ; dan
  - (b) berapakah peruntukan telah disediakan untuk maksud ini dan berapakah purata harga rumah seunit serta sama ada harga rumah ini dikenakan GST.
83. PR-1332-L67492  
**Puan Siti Zailah binti Mohd Yusoff [ Rantau Panjang ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah usaha-usaha Kerajaan bagi mengatasi masalah kos hidup rakyat yang semakin meningkat, harga komoditi yang rendah dan tanggungan hutang keluarga yang semakin meningkat di seluruh negara.
84. PR-1332-L68432  
**Puan Kasthuriraani a/p Patto [ Batu Kawan ]** minta **MENTERI KERJA RAYA** menyatakan jumlah kutipan tol mengikut pecahan tahun dari 2007 sehingga kini bagi tol Lingkaran Luar Butterworth atau Butterworth Outer Ring Road dan sama ada wujudkah usaha untuk menambah baik keadaan perparitan dan pembinaan jejantas baru memandangkan dalam tempoh 2 tahun, 5 orang telah mati apabila melintasi lebuh raya tersebut.

85. PR-1332-L67637

**Datuk Joseph Salang anak Gandum [ Julau ]** minta **PERDANA MENTERI** menyatakan status penggantian perkataan lain-lain dalam borang-borang Kerajaan dengan perkataan yang lebih sesuai seperti Dayak.

**ATURAN URUSAN MESYUARAT DAN USUL-USUL**

**1. Usul dibuat oleh Perdana Menteri dan masalah dicadangkan :-**

**“Bahawa Dewan ini,**

**menyedari** akan cabaran pertumbuhan ekonomi serta pencapaian sosioekonomi semasa pelaksanaan Rancangan Malaysia Kesepuluh;

**merestui** usaha Kerajaan untuk meneruskan Dasar Transformasi Nasional atau DTN dalam merangka dan merencana Rancangan Malaysia Ke-11 seterusnya;

**meluluskan** pelaksanaannya bertunjangkan falsafah Dasar Transformasi Nasional dalam ikhtiar menjadi sebuah negara maju pada tahun 2020, menurut Kertas Perintah 23 Tahun 2015; dan

**Bahawa** dalam meluluskan Rancangan Malaysia Ke-11, Dewan yang mulia ini menyeru agar semua pihak bersama-sama dan berusaha menjayakan matlamatnya.”

**Menyambung semua Perbahasan atas masalah [ 25 Mei, 2015]**

- |    |                |  |                               |
|----|----------------|--|-------------------------------|
| 2. | (D.R. 18/2015) | Rang Undang-undang Antipemerdagangan Orang dan Antipenyeludupan Migran (Pindaan) 2015- <b>Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (20 Mei, 2015)</b> |                               |
|    |                | <b>[ Menteri Dalam Negeri ]</b>  |                               |
| 3. | (D.R. 19/2015) | Rang Undang-undang Kebajikan Haiwan 2015   | <b>Bacaan Kali Yang Kedua</b> |
|    |                | <b>[ Menteri Pertanian dan Industri Asas Tani ]</b>  |                               |
| 4. | (D.R. 20/2015) | Rang Undang-undang Institusi Kewangan Pembangunan (Pindaan) 2015   | <b>“</b>                      |
|    |                | <b>[ Menteri Kewangan ]</b>  |                               |
| 5. | (D.R. 9/2015)  | Rang Undang-undang Kanun Tatacara Jenayah (Pindaan) 2015   | <b>“</b>                      |
|    |                | <b>[ Menteri Dalam Negeri ]</b>  |                               |

6. (D.R. 12/2015) Rang Undang-undang Keterangan “  
(Pindaan) 2015

**[ Menteri di Jabatan Perdana Menteri ]**

7. (D.R. 24/2014) Rang Undang-undang Dadah Berbahaya “  
(Pindaan) (No.2) 2014

**[ Menteri Kesihatan ]**

8. PR-1332-U67740  
**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, terdapat rungutan-rungutan di kalangan rakyat Negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke Negeri Sabah dan ditambah buruk pula dengan pemberian status warganegara kepada mereka ini. Dan mengambil maklum juga bahawa, Para Pilihan raya Umum Ke-13, Kerajaan Malaysia telah menubuhkan Suruhanjaya Siasatan Diraja mengenai dengan pemberian Kewarganegaraan kepada pendatang asing tanpa izin di Negeri Sabah. Dan mengambil maklum juga bahawa, Laporan Suruhanjaya Siasatan Diraja ini telah pun dibentangkan ke Parlimen tetapi sehingga kini rakyat masih tertanya-tanya apakah tindakan yang telah diambil ke atas hasil siasatan suruhanjaya ini. Dalam hal ini, Kerajaan hendaklah memandang serius akan kesan dan implikasi ketidakpuasan hati rakyat negeri Sabah dalam hal ini. MAKA, bagi menangani masalah ini, Dewan ini hendaklah mengambil ketetapan bahawa, Kerajaan hendaklah segera mengambil tindakan tegas ke atas mereka yang didapati bersalah dalam isu ini serta mengambil tindakan yang wajar bagi memulihkan kepercayaan rakyat Negeri Sabah kepada kesungguhan Kerajaan Persekutuan untuk mempertahankan kedaulatan negara termasuklah mengeluarkan kad pengenalan baru bagi penduduk negeri Sabah yang tulen."

**[ Menteri Dalam Negeri ]**

9. PR-1332-U67741  
**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, kepadatan penduduk dan jumlah kenderaan yang keluar masuk ke kawasan Bandaraya Kota Kinabalu telah meningkat secara mendadak sekali. Dan mengambil maklum juga, kesesakan jalan raya ke Bandaraya Kota Kinabalu telah menjadi serius sehingga menjadi rungutan bukan sahaja penduduk setempat malah juga dari kalangan pelancong dalam dan luar negara.



Dan mengambil maklum juga bahawa, seperti bandar-bandar lain yang telah membangun, Bandaraya Kota Kinabalu juga memerlukan satu Sistem Pengangkutan Awam yang efisien, seperti Sistem Aliran Ringan atau Light Rail Transit (LRT) bagi mengatasi masalah di atas. Maka, bagi menangani masalah ini, Dewan yang mulia ini hendaklah mengambil ketetapan bahawa satu system aliran ringan atau light rail transit hendaklah dibina melalui kaedah private finance initiate bagi menghubungkan Bandaraya Kota Kinabalu dengan kawasan sekitarnya."

**[ Perdana Menteri ]**

10. PR-1332-U69065

**Tuan Ng Wei Aik [ Tanjong ]** akan mencadangkan:-

"Bahawa Dewan ini mengambil ketetapan bahawa segala siasatan dan pendakwaan di bawah Akta Hasutan 1948 terhadap wakil-wakil rakyat, termasuk juga pemimpin-pemimpin parti politik perlu diberhentikan atau digugurkan dengan serta-merta selaras dengan prinsip-prinsip demokrasi yang melindungi kebebasan berucap seseorang rakyat selagi ucapannya tidak menyentuh empat perkara iaitu Institusi Raja, Artikel 152 dan 153 Perlembagaan Persekutuan berkenaan dengan Bahasa Kebangsaan dan hak-hak istimewa Melayu dan hak-hak kerakyatan."

**[ Menteri Dalam Negeri ]**

11. PR-1332-U67694

**Tuan M. Kulasegaran [ Ipoh Barat ]** akan mencadangkan:-

"Bahawa Dewan ini mengambil maklum bahawa banjir telah melanda di beberapa negeri pada baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

**[ Perdana Menteri ]**

12. PR-1332-U68783

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan faktor-faktor yang menyebabkan gerakan militan di Malaysia."

**[ Menteri Dalam Negeri ]**

13. PR-1332-U68787

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan langkah-langkah untuk mengatasi pelbagai masalah disebabkan pelaksanaan GST."

**[ Menteri Kewangan ]**

14. PR-1332-U69257

**Dato' Kamarudin bin Jaffar [ Tumpat ]** akan mencadangkan:-

"Menyedari Bahawa masih terdapat lebih kurang 3,000 orang kakitangan kerajaan yang bergaji di bawah RM850.00 sebulan. Justeru itu Kerajaan diminta untuk menaikkan gaji kakitangan tersebut ke paras melebihi gaji minima negara."

**[ Perdana Menteri ]**

15. PR-1332-U69487

**Dato' Kamarudin bin Jaffar [ Tumpat ]** akan mencadangkan:-

"Memandangkan satu bencana banjir yang amat luar biasa telah berlaku pada bulan Disember 2014 di Kelantan yang mengakibatkan kerosakan harta benda yang besar dan memusnahkan sekitar 2000 buah rumah kediaman; Memandangkan bahawa bencana alam adalah tanggungjawab Kerajaan Pusat; dan Memandangkan bulan Ramadhan akan bermula pada 18 Jun 2015, maka Dewan ini mempertimbangkan dengan segera untuk memastikan Kerajaan Pusat dengan kerjasama Kerajaan Kelantan menyiapkan pembinaan rumah-rumah mangsa banjir ini disiapkan sebelum 18 Jun 2015."

**[ Perdana Menteri ]**

16. PR-1332-U67593

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum, terdapat ketidak cekapan Kementerian Pendidikan dalam mengurus asetnya di mana puluhan unit kuarters di Taman Semarak, Sg Petani ditinggal terbiar, tidak didiami dan telah menjadi sarang penagih dadah.

Jika aset ini tidak diselamatkan ianya akan membawa kerugian kepada Kerajaan dan maruah Kementerian akan tercemar. Tindakan serta merta mesti diambil untuk menyelamatkan aset-aset ini."

**[ Menteri Pendidikan ]**

17. PR-1332-U67594

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum, kebolehan berbahasa Inggeris dikalangan pegawai-pegawai Kumpulan A, Perkhidmatan Awam Malaysia makin menurun. Pihak Kerajaan mestilah mengambil tindakan drastik bagi memperbaiki keadaan dengan memberikan kursus-kursus intensif kepada mereka. Kerajaan juga mesti memasti Pegawai-pegawai Kumpulan A melalui kursus wajib Bahasa Inggeris yang mesti di adakan di INTAN atau mana-mana institusi pengajian tinggi."

**[ Perdana Menteri ]**

18. PR-1332-U67595

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum, terdapat masalah yang dihadapi oleh pengguna kenderaan bagi mendapatkan lesen memandu bila mereka gagal dalam ujian berkomputer. Kerajaan harus mengkaji semula adakah syarat wajib lulus ujian berkomputer ini masih sesuai dan relevan memandangkan kos yang makin meningkat semasa mengambil ujian ini dan walau pun lulus ujian berkomputer kemalangan jalan raya masih tidak berkurangan."

**[ Menteri Pengangkutan ]**

19. PR-1332-U69440

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murah (cheap liquor) secara mudah dan murah yang semakin berleluasa. Gejala pengambilan arak murah ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

**[ Menteri Kesejahteraan Bandar, Perumahan dan Kerajaan Tempatan ]**

20. PR-1332-U69441

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

**[ Menteri Dalam Negeri ]**

21. PR-1332-U69442

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[ Menteri Pendidikan ]**

**UCAPAN-UCAPAN PENANGGUHAN**

<b>Tarikh Ucapan</b>	<b>Ahli Yang Berucap</b>	<b>Tajuk Ucapan</b>	<b>Menteri Yang Bertanggungjawab</b>
1. 26.5.2015 (Selasa)	1. YB. Datuk Madius Tangau (Tuaran)	1. Meminta Kerajaan Persekutuan Menunaikan Janji Yang Diumumkan oleh YAB Perdana Menteri untuk membina laluan Jalan Telipok-Kiulu-Pukak-Pahu-Sinulihan-Lokos-Toboh-Rondoggung, Ranau.	1. YB. Menteri Kemajuan Luar Bandar dan Wilayah
2. 26.5.2015 (Selasa)	2. YB. Tuan Sim Tze Tzin (Bayan Baru)	2. Kes Kematian Baby William Yap Jung Hong.	2. YB. Menteri Kesihatan